



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vita P. Camilli De Lellis Fvndatoris Religionis Clericorvm  
Regvlarivm Infirmis Ministrantivm**

**Cicatelli, Sanzio**

**Antverpiæ**

Cap. XV. Camillus obseruationis Regularum studiosissimus; & hominum otiosorum, mendacium, murmuratorum & blasphematorum inimicius.

**urn:nbn:de:hbz:466:1-37267**

## C'AP V T XV.

Camillus obseruationis Regularum studio-  
siſsimus, & hominum otiosorum, men-  
daciū, murmuratorum & blaſphe-  
matorum inimiciſsimus.

C Laruit semper in Camillo studium ob-  
ſeruationis Regularum, ſi in quoquam  
alio, longè ardentifſimum: ſequē ipſe tam  
in factis quām in dictis earum obſeruanda-  
rum ducem & exemplum præbuit: neque  
vlo vñquām prætextu vel tantillum ab illa-  
rum obſeruatione ſe subduxit, ne in re qui-  
dem vñica ſe excipiens, neque admissum ad-  
uersus eas delictum impunē abire permit-  
tens. Cūm aliquando Fratres quidam exi-  
guum nescio quid in Nosocomio S. Spiritus  
absque facultate comediffent, decem ex illis  
à Congregatione dimiſit. In tantum enim  
iſtius quamlibet leuis delicti ſenu permotus  
fuit, vt inſtar quodammodo alterius Moysis  
(qui tabulas legis diffregit) omni domo con-  
gregata, iuſſisq; legi communibus Regulis, ac  
deinde ſumpto in manus earū libro, valideq;  
percutto exclamarit: *Eccui vſui? ecce vſui iſtæ  
Regula, ſi non obſeruantur?* Quo facto man-

C c 5 dauit,

410 VITÆ P. CAMILLI DE LELLIS  
dauit, vt qui in eas deliquerant, foras mitte-  
réetur. Aliás item optimum quemdam Theo-  
logum Vallisoletanum, Ioannem Manri-  
ques nomine, cū aliis quatuor aut quinque,  
quòd solum locuti essent de nescio qua re-  
formatione in Religionem introducenda, à  
Religione dimisit: vti & aliás nonnullos alios,  
licet optimos alioqui subditos, quòd absque  
venia cum extraneis sermones miscuissent,  
aut litteras sine facultate recepissent, aut se  
inter iocandum inuicem tetigissent. Sæpè ad  
culinam, ad cœnationem, ad lauacrum im-  
prouisò ibat, vbi si quem reperiret rumpen-  
tem silentij legem, statim pœnitentiam in-  
iungebat: vnde & à coquis in culina vna ma-  
nu focus accendebatur, altera Rosarium re-  
citabatur; & ab alijs itidem alibi semper aut  
hymnus aliquis aut lectio quæpiam spiritua-  
lis audiebatur. Cùm animaduertisset ali-  
quando quemdam Fratrem à prandio, cùm  
gratiæ agerentur, non inclinare caput ad ver-  
siculum *Gloria Patri*, ipse, vt eum deinceps  
illius memorem redderet, mandauit, vt mul-  
tis diebus crastum ligni segmen collo gesta-  
ret alligatum. Dicere solebat, cùm aliqua  
in domo non floreret obseruatio Regula-  
rum, non alios quàm Superiores esse caſti-  
gādos, vt qui totius mali auctores essent. Ad-  
debat quoque, Superiores, præter continuam

vigi-

vigilantiam , habere semper debere mel in ore, nouaculam in manu. Propter hunc igitur tam seuerum obseruationis rigorem, videbatur quibusdam esse naturæ rigidæ ac nimis seueræ : ita ut multi (quibus incognita erat eius bonitas ) pro homine agresti & aspero illum haberent : & speciatim quidam creditores , qui ad sollicitandam debitorum solutionem ad eum ventitabant: quibus post debitæ paupertatis ac penuriæ suæ excusationes , cùm videret ipsos non acquiescere , dicere solitus erat : *Fratres mei, fierine potest, ut à muro isto nummi exprimantur ? Tam est igitur possibile vos à me in præsenti aliquid nummorum exfugere : Deum exorate, ut nobis mittat.* Verum , licet homo esset in sermonibus asperior , erat nihilominus iis , qui se submittebant , erroremque suum agnoscebant , longè benignissimus. Nec minus erat admirabilis in solatio hominibus tentatis adhibendo : à quibus , vel imposita dumtaxat capiti manu, omnem tentationis ac tepiditatis nebulam abigebat. Iam autem in consuetudine familiari erat admodum alacris , iucundus , amabilis , eosque multum dilaudabat , qui alacritatem in Dei seruitio præferabant. Sed quid? ea iucunditas familiaritasque cum tanta erat coniuncta grauitate , ut in uno eodemque momento & amaretur à cunctis,

412 VITÆ P. CAMILLI DE LELLIS  
cunctis , & timeretur ab omnibus : neque  
propterea ausus fuisset quisquam vel mini-  
mum officij sui limites transfilire , vel plus  
quām oporteret libertatis arrogare. Cupie-  
bat autem speciatim nostros in ordinariis re-  
creationibus tantam præstare modestiam  
obseruationemque disciplinæ , vt nec tantil-  
lum de sancto rigore , quem domi tenebant,  
remitterent . Ad eum aliquando delatum  
est , vnum è Fratribus confecto fistulari ca-  
lamo per vineam canendo obambulasse ;  
quo audito sic exacerbatus fuit , vt tota illi re-  
creatio in amaritatem versa fuerit , dixeritque  
ideamidem ingeminaritque hæc verba ; *Tr-  
ado illum Deo , trado illum Deo. Quinam fieri  
potest , vt unus minister infirmorum per vi-  
neam incedat inflans calamos !* Illo igitur acci-  
to , nudarique iusso , imperauit vt coram om-  
nibus peracri disciplinæ supplicio delictum  
istud lueret . Ad studiosos porrò artium libe-  
ralium quod attinet , eos studiis ita volebat  
intendere , vt non idcirco charitatis sinerent  
officia refrigerescere : neque huius dumtaxat  
se quām cupidissimum atque ardētissimum  
ostendebat amatorem , sed nec patiebatur ,  
vt studiosi ex occasione studiorum aliquam  
caperent occasionem seu distractionis seu  
negligentiæ in profectu virtutum . Vnde non  
rarò in scholam ingrediebatur inopinatò , &

ii

si quem absque debita stantem sedentem ve  
modestia reperiret, asperrima reprehensio  
ne castigabat, usurpatis nonnumquam ver  
bis illis, quæ vnuis è socijs S. Francisci usur  
passe primus fertur: *Parisy, Parisy, vos mi  
hi destruitis studium Assisy.* Ita nimis et  
scientiam cum charitate, & speculationem  
cum deuotione copulabat. Numquam il  
lum vidisses otiosum, sed semper aliquo in  
negotio ad Dei gloriam vel utilitatem pro  
ximi occupatum: & rogatus post abdicatio  
nem summi in Religione Magistratus, quo  
nam modo diem diuideret, respondit: *Mi  
hi quidem dies unicum videtur momentum: &  
sed si uido, in Orationem, in Officium, in Sacri  
ficium, in pauperes, in lectionem spiritualem,  
qui verus est animæ cibus.* Propterea seuerè  
eos arguebat, increpabatque qui per do  
mum irent vagabundi, aut absque negotio  
per ciuitatem. Mirè oderat mendacium, &  
homines mendaces, oblocutores, murmu  
ratores, detractores; vti è contrario famæ  
alienæ amator erat studiosissimus & conser  
uator: nec fieri poterat, ut patienter taciteve  
sustineret, et si quem seu in paruo seu in magno  
laudentem alterius bonam famam existima  
tionemve audiret. Quare vel continuò re  
prehendebat, vel intentionem excusabat, vel  
aliam in partem deflectebat. Cùm aliquan  
do

414 VITÆ P. CAMILLI DE LELLIS  
dō vnum è nostris audisset dicentem, nescio  
quot gallinas è quadam nostra villa subre-  
ptas esse: ipse, tametsi hic nesciret, neque no-  
minasset à quo subreptæ essent, conuerso  
cum amaritudine quadam vultu, *Quid? sub-  
reptæ?* inquit, *quid? subreptæ?* Necesse est pau-  
perem illum hominem equisſe, atque ita neces-  
sitate compulsus eas sustulit, non autem subri-  
puit. Erat quoque inimicus hominum adiu-  
ramenta & blasphemias projectorum: nec  
impetrare à se poterat, quin vel in locis pu-  
blicis eos reprehenderet. Transiens aliquan-  
do per vicum, quemdam audiuisse sibi visus  
est vnum aliquem blasphemasse, sed quod se  
arbitraretur non bene intellexisse, vltra per-  
rexit: exorto deinde scrupulosum percon-  
tatus est, an id, quod ille dixerat, fuisse blas-  
phemia? & respondentē illo, fuisse; mox re-  
trorsum se cotuertens (& triginta passus iam  
distabat, eoqué amplius) sublata voce ex-  
clamauit: *O Frater, ô Frater, ne blasphemes:  
nam ira Dei in te superueniet.* Admirati sunt  
autem omnes, & ad meliora incitati, quot  
quot eum hæc clamantem audiuerant. Alias in  
vrbe Roma rhedam offendens viris No-  
bilibus grauem, percepit vnum ex eis inci-  
pientem euomere blasphemiam: tum ille im-  
mittens illicò manum in rhedam, perinde ac-  
si os vellet obturare blasphemantis, alta ac-

terri-

terribili voce, *Siste, inquit, siste Frater, noli  
blasphemare: & cunctos, qui in eadem rheda-  
erant, conterruit.*

## C A P V T X V I .

Camilli erga alios Religiosos & benefacto-  
res studium & benevolentia: atque  
aliorum item erga illum amor.

A Liorum quorumcumque Ordinum  
Religiosos magnoperè diligebat Ca-  
millus, & reuerebatur, tamquam operarios  
scilicet ac cultores sanctæ illius vineæ, quæ est  
Dei Ecclesia. Speciatim autem amabat Pa-  
ties Capuccinos, ob multa beneficia quæ ab  
iis Manfredoniæ receperat, & quia ipsius ad  
Deum conuersionem plurimum adiuue-  
rant. Idcirkò si aliquos ex illis antiquis fami-  
iliaribus suis nosset esse superstites, crebrò eos  
inuisebat, atque etiam domum nostram non  
tarò inuitabat. Ita Romæ, prima facta pro-  
fessione, quatuor ex iis inuitauit, inter quos  
vnu s fuit Frater Iosephus Melitensis, qui-  
cum magna illa amicitia Manfredoniæ in-  
tercesserat: hunc remota mensa precatus est,  
ut dignaretur publicè coram omnibus Reli-  
giosis omnem seriem conuersionis eius ad  
Deum recensere, vñà cum cunctis noxis,  
quas